



Broj: UP-I-01-16-4-4-14/16
Datum: 20. 04. 2016. godine

20.4.16

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka (b), člana 70. Stav (1), (3) i (6), člana 72. stav (3) tačka f) člana 88. Zakona o javnim nabavkama („Službeni glasnik BiH“, broj 39/14), u postupku javne nabavke kancelarijskog materijala, donosi sljedeću:

ODLUKU
o izboru drugorangiranog ponuđača
za nabavku kancelarijskog materijala

Član 1.

Ugovor za javnu nabavku – kancelarijskog materijala za potrebe Ministarstva za ljudska prava i izbjeglice BiH, dodjeljuje se drugoranigranom ponuđaču Exclusive d.o.o. Zenica, ponuda broj: 14-03/16-1, od 14.03.2016. godine, za ponudenu cijenu sa popustom bez PDV-a 29.535,10 KM, odnosno za ponudenu cijenu sa popustom sa PDV-om od 34.556,07 KM, kao drugorangiranom najpovoljnijem ponuđaču.

Član 2.

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke: c) i d) i člana 47. stav (1) tačke c) ZJN i to u roku od 5 (pet) dana nakon što bude obaviješten od strane ugovornog organa o rezultatima postupka nabavke. Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku dodjeli će se sljedećem rangiranom ponuđaču u skladu sa članom 72. stav (3) Zakona o javnim nabavkama.

Član 3.

Okvirni sporazum zaključit će se sa izabranim ponuđačem na period od 1 (jedne) godine od datuma potpisivanja okvirnog sporazuma.

Član 4.

Ova odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

Član 7.

Stupanjem na snagu ove Odluke, stavlja se van snage Odluka o izboru najpovoljnijeg ponuđača broj: UP-I-01-16-4-4-8/16 od 07.04.2016. godine.

Obrazloženje

Postupak javne nabavke pokrenut je Odlukom o pokretanju postupka javne nabavke kancelarijskog materijala broj: UP-I-01-16-4-4/16 od 25.02.2016. godine. Javna nabavka je provedena putem konkurentskog zatjeva za dostavu ponuda za nabavku kancelarijskog materijala. Procijenjena vrijedost javne nabavke: 42.735,05 bez PDV-a, odnosno 50.000,00 KM sa PDV-om.

Odlukom o izboru najpovoljnijeg ponuđača broj: UP-I-01-16-4-4-8/16 od 07.04.2016. godine, kao najpovoljniji ponuđaču u postupku javne nabavke kancelarijskog materijala dodjeljen je ugovor dobavljaču Elkom d.o.o., Divijak b.b. Vitez, ponuda broj: 174/2016, od 11.03.2016. godine, za ponudenu cijenu sa popustom bez PDV-a 29.159,70 KM, odnosno za ponudenu cijenu sa popustom sa PDV-om od 34.116,85 KM, kao najpovoljnijem ponuđaču.

Svim učesnicima u postupku predmetne javne nabavke dana 07.04.2016. godine, dostavljeno je Obavještenje o rezultatu postupka javne nabavke broj: UP-I-01-16-4-4-9/16 od 07.04.2016. godine, Odluka o izboru najpovoljnijeg ponuđača broj: UP-I-01-16-4-4-8/16 od 07.04.2016. godine i Zapisnik o pregledu i ocjeni ponuda broj: UP-I-01-16-4-4-5/16 od 15.03.2016. godine.

U skladu sa Zakonom o javnim nabavkama, tenderskom dokumentacijom, Odlukom o izboru najpovoljnijeg ponuđača broj: UP-I-01-16-4-4-8/16 od 07.04.2016. godine, kao i Obavještenjem o rezultatu postupka javne nabavke broj: UP-I-01-16-4-4-9/16 od 07.04.2016. godine, izabrani ponuđač Elkom d.o.o., Divijak b.b. Vitez bio je dužan da u roku od 5 (pet) dana, računajući od dana dostavljanja Odluke o izboru najpovoljnijeg ponuđača dostavi orginale ili ovjerene kopije dokumentacije iz člana 45. stav stav (1) tačke c) i d) Zakona o javnim nabavkama.

Izabrani ponuđač je dostavio tražene dokaze pravovremeno i ispravno.

Takođe, izabrani ponuđač je bio dužan dostaviti uzorke i to u skladu sa tehničkom specifikacijom uz poseban naglasak na papir A4 „A KLASE“ koji mora ispunjavati sve tražene karakteristike.

Dobavljač je dostavio tražene uzorke 13.04.2016. godine. Izvršen je pregled uzoraka i konstovano je da uzorak papira ne odgovara traženim karakterisitkama. Upućen je zahtjev za pismeno izjašnjenje broj: UP-I-01-16-4-4-12/16 od 14.04.2016. godine o prihvatanju isporuke papira A4 „A“ klase. Izjašnjenjem o zahtjevu koje je uputio je Elkom d.o.o Vitez, 15.04.2016. godine navedno je da su ponudili papir „B“ klase iako se tražilo pod tačkom 91. u tenderskoj dokumentaciji papir „A“ klase.

Na osnovu navedenog nesumljivo je utvrđeno da traženi uzorak papira ne odgovara „A“ klasi koja je tražena tenderskom tenderskom dokumentacijom u tački 91. sa opisom. Dobavljač Elkom d.o.o Vitez, je svojim dopisom-izjašnjenjem o zahtjevu od 15.04.2016. godine i potvrdio da su ponudili papir „B“ klase svjesni da se u dokumentaciji traži papir „A“ klase i da isti ne mogu isporučivati po navedenoj cijeni u ponudi.

U skladu sa članom 72. stav (3) tačka f) ZJN, Ugovorni organ dodjeljuje ugovor drugoplasiranom ponuđaču s obzirom da se ponuđač Elkom d.o.o. Vitez i službeno izjasnio da nije u mogućnosti isporučivati kancelarijski materijal u skladu sa traženim specifikacijama iz ponude, odnosno za stavku koja se odnosi na papir A4 „A KLASE“.

S obzirom da je ponuđač Exclusive d.o.o Zenica u predmetnom postupku javne nabavke kancelarijskog materijala drugorangirani istom je dodjeljen ugovor a kako slijedi:

1.	Naziv ponuđača	Exclusive d.o.o Zenica
2.	Sjedište i adresa	Armije Bih 6, Zenica
3.	Ukupna cijena ponude bez PDV-a	29.535,10
4.	Podaci o dijelu ugovora koji se daje u podugovoru i podaci o podizvođaču, ako je primjenjivo	Ponuđač ne namjerava sklapati podugovor sa trećom stranom


Iz navedenih razloga, primjenom člana 70. stavovi 1., 3. i 6. i člana 72. stav 3. tačka a) Zakona o javnim nabavkama (Sl. Glasnik BiH broj:39/14), i odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Dostaviti:

- Ponuđačima,
- Sektor za opšte, pravne i finansijsko-materijalne poslove,
- a/a



MINISTRICA

Semira Borovac

Semira Borovac